



Ullukinnerup ullup affaa sulinngiffiusalernissaa siunertaralugu Naalakkersuisut qulaajaanissaannik peqquneqarnissaannik Inatsisartut aaliangiiffigisassaattut siunnersuut. Qulaajaaneq periarfissanik assigiinngitsunik qanoq iliornikkut ullukinnerup ullup affaanik sulinngiffiulersinneqarsinnaaneraniq qanorlu aningaasatigut kinguneqarsinnaaneraniq imaqassaaq. Qulaajaaneq UPA 2025-mi saqqummiunneqassaaq.

Inatsisartunut ilaasortaq Peter Olsen, Inuit Ataqatigiit

Ullukinnerup ullu affaa sulinngiuffiusalernissa siunertaralugu Naalakkersuisut qulaajaanissaannik peqquneqarnissaannik Inatsisartut aaliangiiffigisassaattut siunnersuummut siunnersuuteqartoq Peter Olsen, Inuit Ataqatigiit siunnersuutaanut qujassuteqarfialutigu siunnersuutaanut Naleqqamiit imatut oqaaseqaaateqassaagut.

Qulaajaanissamik siunnersuuteqarneq uani siunnersuummi saqqummiunneqartoq Naleqqamiit isumaqatiginatigu oqaatigeriissavarput, tassami qulaajaaneq saqqummiunneqarnissaa siunnersuuteqartup kissaatigaa Inatsisartunut 2025 upernaakkut ataatsimiinnermi pissasoq.

Upernaakkut ataatsimiinnermi qinersisussaavugut taamaammallu taamatut suliaqarnissaq tulluarpallaanngitsutut Naleqqamiit isigaaarput aammalu isumaqaratta paasissutissat naammattut pigereeripput partiitut nammineq isummernissatsinnut.

Paasissutissat pisagut aallaavigalugit takusinnaavarput ullukinnermi ulloq sulinngiuffiussappat ullormut inuiaqatigiinnut tamanna 100 mio. kr. -imik akeqassasoq, 60 mio. kr. pisortat annaasaattut namminersortullu 40 mio. kr.-imik annaasaqarlutik. Siunnersuuteqartup siunnersuuteqarnerattut ullup affaanut periarfissap 2-tut taneqartutut saqqummiunneqarpoq ullup affaa sulinngiffiusoq katillugu 50 mio.kr. naleqartoq, nunatta karsianut 30 mio.kr. Namminersorlutik suliffeqarfiutilinnut 20 mio. Kr.-imik naleqartussaq piffissami matumani akisuallaarujussuurtutut Naleqqamiit isigaarput.

Taamatullu pisortanut aningaasatigut allaffissornikkullu kingunerisassai: Inatsimmik kajallaasitamillu allannguinnissaq allaffissornikkut ingerlatsineri AC-mik ilinniarsimasup nalinganik tassalu 250.000 kr.-it missaannik naleqarumaassaaq saqqummiunneqarpoq. Ullutsinni aningaasat pisariaqartineqarluinnarmata isumaqarpugut taamatut asuli akissaajaannarluta



inissiisariaqanngitsugut, aningaarsartuutit naammareerput nunap inui inuuniapiloornerat salliutinnerusariaqalerippit politikikkut Naleqqamiit isumaqarfigigatsigu.

Periarfissaq siullertut taaneqartoq ulloq tamaat sulinnigiffiusoq katillugu 100 mio.kr. naleqartoq nunatta karsianut 60 mio.kr. naminnersortunut 40 mio. kr. isumaqarpugut akisuallaarujussuartoq aaqqiissutitut atussallugu Naleqqamiit isumaqarpugut. Aningaasartuutit qaffassaqqinnagit nunap inuisa inuuniarnerat pitsaanerusumik aqputissioartariaqarippit aammalu peqqinnerusumik inuuneqalernissaanut iluaqutaasussanik taamatullu nunatta aningaasarsiornissaanut periarfissarsiorutta pitsaanerusoq Naleqqamiit isumaqarpugut. Nunatta aningaasarsiorfissaanik inerisaasariaqarnerput aallunneqarnerusariaqartoq uani qinersivimmi torrallanneqanngitsoorpassuit ilaattuut qinersivik tullermiit torrallanneqarnerusariaqarlunartut ilagaat nunatta aningaasarsiorfissaanik aaqqissuussineq Naleqqamiit isumaqarfigaarput.

Periarfissaq pingajuattut ullukinnerup ullup affaanik sulinnigiffiusalernissaanik pilersitsinikkut aningaasat annaaneqartussaagaluartut, qilaliarfiup imaluunniit nalliuttorsiorfiusartup ullup allap, ulloq tamaat sulinnigiffiusaraluartup ullup affaannangortinneratigut aaneqarsinnaasutut siunnersuutigineqarpoq – matussutissatut. Tamanna Naleqqamiit qallunaat nunaanni pisutut ilaarsiinnarluni iliorniarnertut Naleqqamiit isigalutigu maannangaaq periarfissatsialattut isiginngilluinnarippit oqaatigissavarput maannalu taamatut iliornissamut piffissaanngitsutut isigalutigu.

Periarfissaq sisamaattut Inatsisartut namminneq aaliangissavaat ullukinneq ulloq ilivitsoq imaluunniit ullup affaannaa sulinnigiffissanngussanersoq qanorlu aningaasalersorneqassanersoq aamma toqqassallugu uagut Naleqqamiit isumaqarput ersarissoq saqqummiutissavarput nunap inuisa inuuniapiloornerisa nalaani taamatut aningaasartuutaanerusussanik saqqummiineq periarfissaanngilluinnartutut isigigatigu aningaasat allanut pisariaqarnerulluinnartunut atornissaat innersuukkusunneruagut.

Tulleriaarineq pitsaanerusuoq pisariaqartipparput uanilu anngaasartuutissanik tulleriaarinermut naapertutinngitsutut isigalutigu taamatut aningaasartuutinngornissaa piffissaanngitsutut isigalutigu siunnersuut saqqummiunneqartoq itigartinneqarnissaa Naleqqamiit innersuussutigaarput